



Umframávöxtun á íslenskum hlutabréfamarkaði

Ásgeir Jónsson og Stefán B. Gunnlaugsson.¹

Ágrip

Hér er gerð grein fyrir rannsókn á sambandi nokkurra kennitalna fyrirtækja og ávöxtunar íslenskra hlutabréfa. Þær kennitölur sem um ræðir eru V/H-hlutfall, q-hlutfall, arðhlutfall, söguleg ávöxtun og fyrirtækjastærð. Rannsóknin nær yfir tímabilið frá janúar 1993 til júní 2003 og er byggð á því að búa til ný verðbréfasöfn í hverjum mánuði eftir þeim kennitolum sem rannsakaðar voru. Ávöxtun verðbréfasafnanna var síðan reiknuð og kannað hvort marktækur munur væri á milli þeirra að teknu tilliti til kerfisbundinnar áhættu. Helstu niðurstöður eru þær að hlutabréf með lágt V/H-hlutfall skiluðu mun hærri ávöxtun en önnur hlutabréf og var sá munur marktækur. Hlutabréf lítilla fyrirtækja og hlutabréf með lágt q-hlutfall skiluðu einnig hærri ávöxtun en önnur hlutabréf en sá munur var ekki marktækur. Aftur á móti mældist ekkert samband á milli arðhlutfalls, sögulegrar frammistöðu og ávöxtunar.

Abstract

This study examines the relationship between P/E-ratio, q-ratio, dividend yield, historical returns, company size and returns of Icelandic stocks. The study uses monthly return data of stocks from the Iceland Stock Exchange from January 1993 to June 2003. The methodology is based on building portfolios on the basis of the above variables. Every month, from January 1993 to June 2003, the stocks in the sample were ranked according to the variable examined and then grouped into four portfolios. The performance of each portfolio was then measured and compared both in absolute terms and correcting for systematic risk. The results are that returns on stocks with a low P/E-ratio were much substantially higher than returns on other stocks and this difference was statistically significant. The returns of small stocks and stocks with a low q-ratio were higher than that of other stocks but this difference was not statistically significant. No relationship was detected between returns and historical returns, and between returns and dividend yield.

JEL-flokkun: G12; G14

Lykilhugtök: skilvirkni, íslenskur hlutabréfamarkaður, V/H-hlutfall

¹ Ásgeir Jónsson er lektor við viðskipta- og hagfræðideild Háskóla Íslands. Stefán B. Gunnlaugsson er lektor við viðskiptadeild Háskólans á Akureyri. Birgi Guðmundssyni, Bjarna G. Hjarðar og tveimur nafnlausum ritrýnum eru færðar þakkir fyrir gagnlegar ábendingar. Starfsmönnum Kauphallar Íslands eru færðar þakkir fyrir aðstoð við gagnaöflun.

1. Inngangur

Það hefur löngum verið ósk fjárfesta að geta slegið markaðinum við og náð betri ávöxtun en þar þekkist að meðaltali. Athyglan hefur einkum beinst að nokkrum einföldum kennitolum við val á hlutabréfum til þess að ná svokallaðri umframávöxtun, en það er ávöxtun umfram „eðlilegt“ áhættuálag á markaði. Nokkrar mikilvægustu kennitolurnar eru: stærð fyrirtækja, arðgreiðslur, V/H-hlutfall (markaðsverð/hagnaður), q-hlutfall (markaðsverð/eigið fé) og frammistaða (söguleg ávöxtun). Niðurstöður margra erlendra rannsóknna hafa sýnt að fjárfesting byggð á þessum einföldu kennitolum skilar oft góðum árangri, betri en gengur og gerist að meðaltali á viðkomandi markaði. Aftur á móti hafa litlar sem engar rannsóknir verið gerðar á tengslum ofangreindra kennitalna og ávöxtunar á íslenska hlutabréfamarkaðinum. Það er ef til vill skiljanlegt í ljósi þess að hann er mun yngri en erlendir hlutabréfamarkaðir, en tiltölulega stutt er síðan nægilega langar gagnaraðir lágu fyrir hérlandis til að mögulegt væri að framkvæma nákvæm tölfraðipróf.

Í þessari grein verða raktar niðurstöður viðamikillar rannsóknar á íslenska hlutabréfamarkaðinum frá ársbyrjun 1993 til loka júní 2003. Kannað var hvort ofangreindar kennitolur gætu skilað umframávöxtun ef þær væru notaðar við val á hlutabréfum, líkt og raunin hefur verið á erlendum mörkuðum. Einnig var kannað hvort ávöxtun hefði verið „óeðlileg“ að teknu tilliti til áhættu.

Ljóst er að möguleikinn á umframávöxtun hlýtur ávallt að velta á skilvirkni hlutabréfamarkaðsins, þ.e. flæði upplýsinga og nýtingu þeirra. En ef notkun ofangreindra kennitalna getur raunverulega skilað umframávöxtun má jafnframt velta fyrir sér af hverju fjárfestará markaði hafa ekki þegar fært sér það í nyt. Af þeim sökum eru líkurnar á umframávöxtun með aðstoð ofangreindra viðmiða að einhverju leyti próf á skilvirkni markaðsins (Campbell o.fl., 1997). Hins vegar getur hugtakið skilvirkni haft misjafna þýðingu. Á fullkomlega skilvirkum markaði er viðskiptakostnaður enginn og hægt er að afla upplýsinga án kostnaðar og ómögulegt er að slá markaðinum við. Ástæðan er einfaldlega sú að allar upplýsingar sem skipta máli og eru til staðar hafa þegar verið teknar til greina og metnar til fjár af markaðsaðilum. Af þeim sökum ætti markaðsverðið aetíð að endurspeglar allt sem skiptir máli fyrir virði fyrirtækja á markaði á hverjum tíma. Hins vegar verða þessi skilyrði að teljast fremur ströng og í nokkurri andstöðu við raunveruleikan. Yfirleitt er notast við veikari og raunhæfari skilyrði um skilvirkni og þá er gert ráð fyrir að hlutabréfaverð innihaldi upplýsingar að því marki að jaðarávinningur þess að nýta upplýsingarnar til að hagnast sé ekki meiri en viðskiptakostnaður.

Niðurstöður þessarar rannsóknar staðfesta að nokkru leyti niðurstöður sambærilegra rannsókna sem gerðar hafa verið á erlendum mörkuðum. Mjög sterk tölfraðileg tengsl mælast á milli V/H-hlutfalls og ávöxtunar en nokkru veikari á milli annarra þátta, einkum stærðar og q-hlutfalls. Samband V/H-hlutfalls og ávöxtunar gæti sýnt að fjárfestum hérlandis hættir hugsanlega til þess að ofmeta möguleika vaxtarfyrirtækja. Tiltölulega veikt samband á milli ávöxtunar og annarra þátta gæti haft þríþætta þýðingu. Í fyrsta lagi gæti þetta bent til þess að íslenski hlutabréfamarkaðurinn sé þrátt fyrir allt nokkuð skilvirkur þar sem einfaldar kennitolur við hlutabréfakaup duga ekki til þess að ná umframávöxtun. Í öðru lagi gætu niðurstöðurnar einnig bent til þess að íslenski hlutabréfamarkaðurinn sé

einfaldlega of smár og takmarkaður til þess að mörg þessara stefnumiða hafi sömu þýðingu og erlendis. Íslensk fyrirtæki eru til að mynda fremur lítil á alþjóðlegum mælikvarða og vægi atvinnugreina á hlutabréfamarkaði annað en þekkist erlendis og það gæti haft áhrif á allan samanburð, til dæmis samanburð á ávoxtun og q-hlutfalli, sem er mjög mismunandi eftir atvinnugreinum. Í þriðja lagi er ekki hægt að útiloka að tímaröðin sem rannsökuð er sé ekki nógu löng til að marktækjar niðurstöður fáist.


Að lokum má velta fyrir sér hvort hægt sé að hagnast á niðurstöðum þessarar rannsóknar. Ljóst er að sú fjárfestingarstefna að kaupa hlutabréf í fyrirtækjum með lágt V/H-hlutfall hefur skilað mun meiri ávoxtun á síðustu 10 árum en sú stefna að kaupa fyrirtæki með hátt V/H-hlutfall. Meðalávöxtun hlutabréfasafns með lægstu V/H-hlutföllin var 2,25% á mánuði en til samanburðar má nefna að meðalávöxtun úrvalsvísitolunnar var einungis 1,11%. Þó verður að taka mið af því að í þessari rannsókn eru arðgreiðslur metnar til ávoxtunar en það er ekki gert þegar úrvalsvísitalan er reiknuð. Hins vegar er rétt að setja fram two varnagla um hagnýtt gildi þessarar rannsóknar. Í fyrsta lagi er hér um sögulega ávoxtun að ræða. Hröð framþróun hefur átt sér stað á íslenskum hlutabréfamarkaði á síðustu 10 árum og hluti gagnanna er frá þeim tíma er markaðurinn var enn á bernskuskeiði og það kann að skekkja niðurstöður fyrir allt tímabilið. Í öðru lagi felst aðferðafræði rannsóknarinnar í því að búa til verðbréfasöfn í hverjum einasta mánuði eftir þeim kennitölum sem rannsakaðar eru en verulegur viðskiptakostnaður leggst til ef verðbréfasafni þeirra félaga sem væru með lægst V/H-hlutfall er ávallt halddið við í hverjum mánuði. Engu að síður eru þessar niðurstöður það afgerandi að íslenskir fjárfestar gætu haft ástæðu til þess að gefa V/H-hlutfalli fyrirtækja nánari gaum við val á hlutabréfum en þeir hafa gert.

2. Íslenski hlutabréfamarkaðurinn

Það er erfiðleikum háð að finna góða aðferðafræði við rannsókn á íslenska hlutabréfamarkaðinum. Ástæðan er einkum sú að virk viðskipti á markaðinum ná einungis til mjög fárra félaga í alþjóðlegum samanburði og stutt er síðan markaðurinn komst á legg. Enn fremur er ljóst að sumir mælikvarðar, eins og t.d. stærð fyrirtækja, hljóta ávallt að vera nokkuð afstæðir þar sem nær öll íslensk fyrirtæki eru smá í alþjóðlegum samanburði og stærðardreifing jafnari en þekkist erlendis.


Segja má að skipulögð hlutabréfaviðskipti hérlandis hafi fyrst hafist árið 1985 en þá fór Hlutabréfamarkaðurinn hf. að kaupa og selja hlutabréf fyrir eigin reikning. Nokkrar aðrar tilraunir sem runnu út í sandinn höfðu áður verið gerðar. Landsbanki Íslands rak t.d. kauphöll um nokkurt skeið um miðbik tuttugustu aldar. Árið 1986 hófst starfsemi Verðbréfaþings Íslands sem síðar varð Kauphöll Íslands. Verðbréfaþingið var fyrstu árin hjá Seðlabanka Íslands en allt til ársins 1990 var einkum verslað með ríkisskuldabréf á þinginu en ekki hlutabréf (Kauphöll Íslands, Árbók 2003).

Þróun úrvalsvísitolunnar, sem dregin er upp á mynd 1, sýnir vel að íslenski hlutabréfamarkaðurinn hefur gefið góða ávoxtun á síðustu 10 árum. Árleg meðalhækkun úrvalsvísitolunnar frá árslokum 1999 til ársloka 2003 er 20,5% og því hefur íslenski hlutabréfamarkaðurinn gefið afburða ávoxtun. Frá árinu 1993 hefur hlutabréfaverð á markaðinum einungis lækkað tvö ár, árin 2000 og 2001.



Mynd 1. Fjöldi skráðra hlutafélaga í Kauphöll Íslands og þróun úrvalsvísitölunnar 1993–2003 (Heimild: Kauphöll Íslands).

Fjöldi skráðra hlutafélaga í Kauphöllinni virðist hafa náð hámarki um síðustu aldamót. Í árslok 1993 voru 17 hlutafélög skráð í Kauphöllinni en síðan fjölgæði þeim ár frá ári allt til ársins 1999 þegar 75 hlutafélög voru skráð á markaði. Frá þeim tíma hefur skráðum hlutafélögum fækkað verulega en þau voru 40 um mitt ár 2004. Aftur á móti hefur bæði velta og markaðsvirði vaxið verulega frá 1993 þrátt fyrir fækkun félaga á síðustu 5 árum. Heildarmarkaðsverð skráðra félaga var einungis 19 ma. kr. 1993 en hafði aukist í 659 ma. kr. í árslok 2003, og það sést vel á mynd 2. Á sama tíma jukust viðskipti með hlutabréf úr 0,8 ma. kr. árið 1993 í 554 ma. kr. árið 2003. Það verður raunar að teljast þroskamerki að velta á markaðinum hefur aukist á sama tíma og fjöldi skráðra félaga hefur dregist saman, en það þýðir að meðalvelta hvers félags hefur aukist verulega. Af þeim sökum ættu íslensk hlutabréf að vera mun seljanlegri en áður og því ætti markaðurinn að hafa dýpkað og verðmyndun að hafa orðið skilvirkari.



Mynd 2. Markaðsverð og velta skráðra hlutabréfa í Kauphöll Íslands 1993–2003 (Heimild: Kauphöll Íslands).

3. Aðferðafræði

Sú aðferðafræði sem varð fyrir valinu við framkvæmd þessarar rannsóknar byggist á því að búa til verðbréfasöfn (e. portfolios) eftir þeim þáttum sem rannsakaðir eru og bera saman ávöxtun þeirra. Einnig eru framkvæmd tölfræðipróf þar sem kannað er hvort marktækur munur sé á ávöxtun verðbréfasafnanna að teknu tillit til mismunar á áhættu þeirra. Sem dæmi má taka að þegar kannað var samband markaðsverðs og ávöxtunar voru mynduð fjögur verðbréfasöfn í byrjun hvers mánaðar sem rannsóknin náði yfir þar sem fyrirtækin voru flokkuð eftir stærð. Í safni númer 1 voru minnstu félög, síðan örlítið stærri félög í safni 2, enn stærri í safni 3 og í safni 4 voru stærstu félög. Frammistaða (ávöxtun) safnanna var síðan mæld í mánuðinum og höfðu öll félög jafnt vægi. Í næsta mánuði voru síðan aftur búin til verðbréfasöfn og ávöxtun þeirra mæld og síðan koll af kolli.

Tímabilið sem þessi rannsókn spannar er frá ársbyrjun 1993 til loka júní 2003 og voru því búin til 504 verðbréfasöfn við rannsóknir á hverjum þætti. Í úrtaki rannsóknarinnar eru 20 hlutafélög árið 1993, 24 árið 1994 og frá ársbyrjun 1995 til júní 2003 eru 28 félög.² Val félaganna var háð tilviljunum en þó var þess gætt að allar atvinnugreinar ættu þar fulltrúa. Eðlilega urðu verulegar breytingar á markaðinum á

² Eftirfarandi félög voru í þessu úrtaki: Búnaðarbíankinn, Eignarhaldsfélagið Alþýðubíankinn, Eimskip, Flugleiðir, Grandi, Hampiðjan, Haraldur Böðvarsson, Hraðfrystihús Eskifjarðar (Eskja), Íslenskar sjávarafurðir, Íslandsbanki, Íslandssími, Jarðboranir, Kaupþing, Landsbankinn, Lyfjaverslun Íslands, Marel, Nýherji, Olíuverslun Íslands, Olíufélagið, Pharmaco, Sameinaðir verktakar, Samherji, SöluMiðstöð hraðfrystihúsanna, SÍF, Síldarvinnslan, Sjóvá-Almennar, Skagstrendingur, Skeljungur, Skinnaiðnaður, Skýrr, SR-mjöll, Sæplast, Tæknival (Aco-Tæknival), Útgerðarfélag Akureyringa, Þormóður rammi – Sæberg og Þróunarfélagið.

þessu tímabili sem rannsóknin nær yfir. Viðskipti með ný fyrirtæki hefjast á markaðinum og fyrirtæki detta út af ýmsum ástæðum. Vegna þessa eru nokkru fleiri félög í þessu úrtaki, 36, heldur en raðað er í verðbréfasöfnin, en þar eru flest 28 félög. Reynt er að hafa safn félaganna eins stöðugt og hægt er, þ.e. félög eru ekki tekin út úr rannsókninni fyrr en viðskipti með þau í Kauphöllinni hætta.

Sú aðferðafræði sem hér er beitt er næstum því sú sama og Jahnke o.fl. (1987) notuðu til að greina frammistöðu hlutabréfa út frá V/H-hlutfalli þeirra með því að bera saman frammistöðu (ávöxtun) tveggja verðbréfasafna. Helsti galli þessarar aðferðafræði er sá að hugsanlegt er að einhverjar þær breytur sem kannaðar voru hafi verið tölfraðilega háðar. Til dæmis er hugsanlegt að samband hafi verið á milli stærðar fyrirtækja og V/H-hlutfalls eða á milli arðhlutfalls og q-hlutfalls. Til þess að komast hjá þessu vandamáli hefði verið nauðsynlegt að vera með mun fleiri hlutafélög í úrtakinu svo að hægt hefði verið að raða þeim í verðbréfasöfn með hliðsjón af tveimur breytum samtímis. Til dæmis hefði þurft að byrja á því að raða hlutafélögunum í verðbréfasöfn eftir stærð og síðan hverju verðbréfasafni innan hvers stærðarflokks eftir V/H-hlutfalli ef kanna hefði átt hvort samband væri á milli V/H-hlutfalls og stærðar fyrirtækja. Hins vegar eru of fá félög á markaði hér lendis svo hægt sé að beita þeirri aðferðafræði.

Þau tölfraðípróf sem hér eru notuð byggja á hinu klassísku CAPM-líkani og mæla ávöxtun sem er umfram það sem líkanið getur skýrt. Grunnurinn að CAPM líkaninu var lagður af Markowitz (1959), en í rannsóknum sínum sýndi hann fram á að fjárfestar reyna að vega saman áhættu og arðsemi í því að byggja upp safn verðbréfa sem skilar sem mestri ávöxtun með sem minnstum breytileika (e. variance). Líkanið var síðar mótað í núverandi mynd af Sharpe (1964) og Lintner (1965), en þeir sýndu m.a. fram á að besta verðbréfasafnið væri það safn er væri samsett af bréfum af öllum fjármálamörkuðum heimsins og gæfi hæsta ávöxtun út frá dreifni (e. mean-variance efficient portfolio), þ.e ef fjárfestar hefðu eingerðar væntingar.

Reiknaður er α -stuðull Jensens (táknaður með α_p) sem var fyrst kynntur 1968 og er fundinn með aðhvartsgreiningu á jöfnuna:

$$(j. 1) \quad R_{pt} - R_{ft} = \alpha_p + \beta_p (R_{mt} - R_{ft}) + u_{pt}$$

Aðrar breytur sem hér koma fyrir eru R_{pt} sem er ávöxtun verðbréfasafns p í mánuði t ($t = 1, \dots, 138$), R_{ft} er áhættulausir vextir sem hér eru miðaðir við ávöxtunarkröfу þriggja mánaða ríkisvíxla, β_p er hallatala sem er jöfn kerfislægri áhættu verðbréfasafnsins ($\text{COVAR}(R_{pt}, R_{mt})/\sigma^2$), R_{mt} er ávöxtun markaðsins og u_{pt} er skekkjuliður. Ef sú forsenda er gefin að CAPM-módelið skyri ávöxtun hlutabréfa ætti α_p -stuðull verðbréfasafna er hafa sömu samsetningu og vísalta markaðarins að vera núll. Því bendir marktækur jákvæður α -stuðull til þess að verðbréfasafn hafi skilað „óeðlilega“ góðri ávöxtun og neikvæður α -stuðull til þess að ávöxtun hafi verið „óeðlilega“ slök.

Til þess að bera saman ávöxtun tveggja eða fleiri safna var leppbreyta (D_{pt}) notuð sem fær gildið 1 eða 0 eftir atvikum:

$$(j. 2) \quad R_{pt} - R_{ft} = \alpha_p + d_L D_{pt} + \beta_p (R_{mt} - R_{ft}) + s_L S_{pt} + u_{pt}$$

Aðrar breytur eru þær sömu og áður utan $S_{pt} = D_{pt} (R_{mt} - R_{ft})$ svokölluð hallaleppbreyta (e. slope dummy) en hún sýnir mun á kerfisbundinni áhættu verðbréfasafnanna.

Stuðullinn d_L er lykilstuðull í aðhvartsgreiningunni. Hann sýnir muninn á Jensens α -stuðli verðbréfasafnanna og því fær Jensens α -stuðullinn $\alpha + d_L$ í verðbréfasafnina leppbreytu, þ.e. $D_{pt} = 1$. Því er hægt að nota t-próf til að kanna hvort d_L -stuðullinn sé marktækur. Ef hann er marktækur sýnir það að marktækur munur hefur verið á ávöxtun verðbréfasafnanna þegar búið er að taka tillit til mismunar á áhættu þeirra. Stuðullinn β_p jafngildir kerfislægri áhættu (β) verðbréfasafnsins, sem ekki fær leppbreytu, þ.e. $D_{pt} = 0$. Því fær β -stuðull verðbréfasafnsins leppbreytu, þ.e. leppbreytan $D_{pt} = 1$, $\beta_p + s_L$.

Þær upplýsingar sem notaðar voru við þessa rannsókn voru fengnar úr ýmsum áttum. Kauphöll Íslands útvegaði gögn um verðþróun hlutabréfanna. Uppgjör félaganna voru fengin eftir ýmsum leiðum, á heimasiðu Kauphallarinnar, hjá gagnabanka Morgunblaðsins og einnig hjá félögnum sjálfum.

Það er því ljóst að rannsóknin nær yfir mikið þroskatímabil í íslenskum hlutabréfaviðskiptum en nú er tölvert öðruvísi umhorfs á hlutabréfamarkaði en var fyrir 10 árum. Vitaskuld ættu ákveðin grunneinkenni að hafa haldist á markaðinum, enda um tiltölulega stuttan tíma að ræða. Mestu skiptir þó að aðferðafræðin byggist á því að raða saman hlutabréfasöfnum á hverjum tíma eftir ofangreindum viðmiðum og endurtaka röðunina strax aftur á næsta tímabili. Með slíkum hlutfallslegum samanburði innan tímabils ætti af þeim sökum að nást að leiðréttu misräemi sem kemur til af ýmsum kerfisbreytingum sem átt hafa sér stað á íslenskum hlutabréfamarkaði. Þannig er ekki verið að bera saman V/H-hlutfall eða stærð fyrirtækja á milli ára heldur aðeins mismun á ávöxtun ef ákveðinni fjárfestingarstefnu er fylgt af samkvæmni á ákveðnu tímabili.

4. Samband V/H-hlutfalls og ávöxtunar

4.1 Fyrri rannsóknir

Tengsl V/H-hlutfalls (markaðsverðs/hagnaðar) og ávöxtunar hafa margfaldlega verið til skoðunar á helstu fjármálamörkuðum heimsins. Raunar má færa rök fyrir því að samband þessarar kennitölu og ávöxtunar hafi oftar verið til skoðunar en nokkurt annað samband á hlutabréfamörkuðum. Það er ef til vill engin furða ef haft er í huga að samkvæmt grunnforsendum um verðmat ætti virði fyrirtækja að vera jafnt og núvirtur hagnaður í framtíðinni. Hátt V/H-hlutfall hlutabréfs bendir því til að miklar væntingar um vöxt hagnaðar séu innifaldar í verði hlutabréfsins. Margar rannsóknir hafa sýnt að ávöxtun félaga með lágt V/H-hlutfall hefur verið meiri en hlutabréfa er hafa lágt V/H hlutfall. Ástæðuna má líklega rekja til hins fornkvæðna, að betri sé einn fugl í hendi en tveir í skógi. Fjárfestum hættir til að ofmeta möguleika vaxtarfyrirtækja og það hefur leitt til þess að þau hafa ekki náð að standa undir því verði sem þau hafa verið sold á og ávöxtun þeirra hefur því verið minni en meðaltalsávöxtun á markaðinum.

Í viðamikilli rannsókn á hlutabréfamörkuðum í Bandaríkjunum, Þýskalandi, Frakklandi og Japan skoðuðu Haugen og Baker (1996) gögn frá 1985 til 1993. Þeir komust að því að hlutabréf fyrirtækja sem höfðu lágt V/H-hlutfall ávöxtuðust betur en önnur hlutabréf á öllum þessum mörkuðum á þessu tímabili, en mestur var munurinn í Bandaríkjunum og Frakklandi. Basu (1977) kannaði hvort ávöxtun hlutabréfa væri í samhengi við V/H-hlutfall þeirra. Hann rannsakaði bandaríkska hlutabréfamarkaðinn frá því í september 1956 til ágúst 1971. Hann komst að því að meðalávöxtun verðbréfasafns með lágt V/H-hlutfall var 13,5% ári en meðalávöxtun verðbréfasafns með hátt V/H-hlutfall var 9,5%. Hærri ávöxtun var ekki skýrð með meiri áhættu en ekki var munur á kerfisbundinni áhættu (e. systematic risk) enda var kerfisbundin áhætta verðbréfasafnsins með lágt V/H-hlutfall lægri en hins safnsins. Rannsóknir á smærri hlutabréfamörkuðum hafa gefið svipaðar niðurstöður. Í rannsókn á suður-afríkska hlutabréfamarkaðinum frá 1982 til 1998 kom í ljós að ávöxtun hlutabréfa með lágt V/H-hlutfall var mun meiri en annarra hlutabréfa. Meiri ávöxtun þeirra var einkum rakin til fárra hlutabréfa, með lágt V/H-hlutfall, sem gáfu afburðaávöxtun (Rensburg og Rousseau, 2004).


4.2 Rannsókn og niðurstöður

Við útreikning á V/H-hlutfallinu var notað markaðsverð félaganna sem voru í úrtakinu. Hagnaður var skilgreindur sem hagnaður eftir óreglulega liði og skatta síðustu 12 mánuði á undan útreikningi. Uppgjör fyrirtækja voru ekki notuð fyrr en þau voru ljós fjárfestum. Sem dæmi má nefna að ef fyrirtækið birti uppgjör 15. apríl var niðurstaða þess ekki notuð við útreikning á V/H-hlutfallinu fyrr en 30. apríl. Því er alveg öruggt að komið er í veg fyrir hina svokölluðu framsýnisvillu (e. look ahead bias).³

Til hægðarauka var V/H-hlutfallinu snúið við. Ástæður þessa eru að félög sem rekin eru með tapi, þ.e. með neikvæðum hagnaði, fá þá sjálfkrafa lægsta H/V-hlutfallið og raðast því með félögum sem eru rekin með hagnaði en hafa mjög hátt V/H-hlutfall. Í hverjum mánuði voru fjögur verðbréfasöfn búin til eftir H/V-hlutfalli í byrjun hvers mánaðar og ávöxtun þeirra var síðan mæld í mánuðinum. Strax næsta mánuð á eftir voru ný verðbréfasöfn búin til og síðan koll af kolli. Notuð var aðhvarfsjafna (j. 2) og var borin saman ávöxtun og áhætta verðbréfasafnanna með hæsta og lægsta V/H-hlutfallið. Verðbréfasafnið með háa V/H-hlutfallið fékk leppbreytuna 1 en verðbréfasafnið með lága V/H-hlutfallið fékk leppbreytuna 0.

Niðurstöðurnar gefa til kynna að fjárfestar hefðu getað náð umframávöxtun með því að huga sérstaklega að V/H hlutfallinu. Meðalávöxtun safnsins með hæsta V/H-hlutfall var einungis 1,01% á mánuði (margfeldisávöxtun, e. geometric mean). Aftur á móti var meðalávöxtun safnsins með lægsta V/H-hlutfallið 2,25%. Samband V/H-hlutfalls og ávöxtunar íslenskra hlutabréfa sést vel á mynd 3.

³ Þessi villa felst í því að rannsakendur hafa notað upplýsingar við rannsóknir á fjármálamörkuðum sem ekki voru ljósar fjárfestum á þeim tíma sem kannaður var.



Mynd 3. Meðalávöxtun verðbréfasafna sem raðað er eftir V/H-hlutfalli þeirra.

Það sama má einnig lesa úr formlegum tölfraðiprófum en helstu niðurstöður aðhvarfsgreiningarinnar eru sýndar í töflu 1. Þar sést að Jensens α -stuðull verðbréfasafnsins með lága V/H-hlutfallið er áætlaður 0,0127. Jensens α -stuðull safnsins með háa hlutfallið er áætlaður 0,001 ($\alpha_p + d_L$). Marktækur munur er á Jensens α -stuðli þessara tveggja verðbréfasafna því að stuðullinn d_L er marktækur. Því er marktækur munur á ávöxtun safna 1 og 4 þegar búið er að taka tillit til áhættu þeirra. Þessu er þannig varið þrátt fyrir að kerfisbundin áhætta safnsins með minni ávöxtunina sé nokkru minni en safnsins með meiri ávöxtunina sem sést á því að s_L -stuðullinn, sem mælir mun á ávöxtun verðbréfasafnanna, er neikvæður. Durbin Watson stuðullinn er áætlaður 1,82 og því verður ekki vart við marktæka fyrstu gráðu sjálffylgni (e. autocorrelation) sem bjagar niðurstöður.

Tafla 1. Helstu niðurstöður aðhvarfsgreiningar á verðbréfasöfnum sem raðað er eftir V/H-hlutföllum.

	α_p	d_L	β_p	s_L	R^2
Stuðull	0,013	-0,012	0,89	-0,15	0,43
t-gildi	(*3,16)	(*-2,06)	(*10,03)	(-1,23)	
p-gildi	0,0018	0,041	<0,0001	0,22	
Durbin Watson	1,82				

* Marktækt miðað við 5% marktektarkröfu.

Athygli vekur að Jensens α -stuðlar bæði safns 1 og 4 eru jákvæðir. Þetta stafar af því að ávöxtun verðbréfasafnanna í þessari rannsókn er að meðaltali nokkru meiri en meðalávöxtun úrvalsvísitölunnar sem var að meðaltali 1,11% á mánuði

(margfeldismeðaltal) frá ársbyrjun 1993 til loka júní 2003. Ástæður þessa eru eftirfarandi:

1. Í úrvalsvísítölunni er ekki tekið tillit til arðgreiðslna og því mælir hún minni ávöxtun en í raun fæst á markaðinum. Í þessari rannsókn eru arðgreiðslur innifaldar í ávöxtun.
2. Nokkur tími líður frá því að ný stór félög fara á markað og þar til þau verða hluti af úrvalsvísítölunni. Oft hefur gengi á nýjum félögum hækkað mikið strax við skráningu og því hefur úrvalsvísitalan að öllum líkindum mælt nokkuð lægri ávöxtun en raunverulegt meðaltal á markaðinum.
3. Vægi fyrirtækja í úrvalsvísítölunni fer eftir stærð þeirra, sem mæld er í markaðsverðmæti þeirra. Í þessari rannsókn hafa öll félög jafnt vægi. Seinna í þessari rannsókn kemur í ljós að lítil félög hafa skilað meiri ávöxtun en stór og því gæti ávöxtun hafa verið vanmetin við útreikning úrvalsvísítölunnar.
4. Í úrvalsvísítölunni eru einungis 15 félög, en í stærstum hluta þessarar rannsóknar eru 28 félög í verðbréfasöfnunum. Því er „breiðari“ ávöxtun mæld í þessari rannsókn en með úrvalsvísítölunni.

Þrátt fyrir að α -stuðlar Jensens séu jákvæðir hjá flestum verðbréfasöfnum þá skiptir það ekki máli við mat á d_L -stuðlinum. Sá stuðull mælir muninn á Jensens α -stuðli safnanna og því mælir hann hvort marktækur munur er á ávöxtun verðbréfasafnanna að teknu tilliti til kerfislægrar áhættu.

5. Samband stærðar fyrirtækja og ávöxtunar:


5.1 Fyrri rannsóknir

Við rannsóknir á hlutabréfamörkuðum er stærð fyrirtækja oftast mæld í markaðsvirði hlutabréfa þeirra. Flestar rannsóknir víðast hvar hafa sýnt að ávöxtun lítilla fyrirtækja hefur almennt verið meiri en stórra fyrirtækja (Lofthouse, 1994).

Í ítarlegri rannsókn á bandaríksa hlutabréfamarkaðinum frá 1963 til 1990, þar sem búin voru til verðbréfasöfn út frá β -stuðlum og stærð fyrirtækjanna, kom í ljós að lítil fyrirtæki skiluðu betri ávöxtun en stór og var það óháð β -gildum félaganna (Fama og French, 1992). Ástæðan fyrir því að lítil fyrirtæki hafa gefið mjög góða ávöxtun hefur meðal annars verið talin stafa af meiri viðskiptakostnaði hjá litlum fyrirtækjum en stórum. Þetta lýsir sér m.a. í því að munur á kaup- og sölutilboðum er yfirleitt mun meiri hjá smáum fyrirtækjum fremur en stórum og því er viðskiptakostnaður meiri. Meiri viðskiptakostnaður leiðir síðan til þess að fjárfestar gera hærri ávöxtunarkröfu, hlutabréfin verða ódýrari og ávöxtun verður meiri. Einnig má færa rök fyrir því að lítil fyrirtæki starfi í öðrum greinum en stór fyrirtæki og gæti það skýrt að hluta meiri ávöxtun.

5.2 Rannsókn og niðurstöður

Búin voru til fjögur verðbréfasöfn í hverjum mánuði og var fyrirtækjum í úrtakinu skipað í þau eftir markaðsvirði. Ávöxtun safnanna er síðan mæld í hverjum mánuði og ný verðbréfasöfn búin til næsta mánuð á eftir. Auk þessa var gerð hefðbundin aðhvarfsgreining þar sem jafna (j. 2) var notuð. Eins og sést á mynd 4 var ávöxtun þess verðbréfasafns best er hafði minnstu félögin innanborðs, mælt út frá markaðsvirði hlutafjár, og lökust hjá því safni er hafði stærstu fyrirtækjinn. Meðalávöxtun minnstu fyrirtækjanna var rúmlega 1,9% á mánuði en meðalávöxtun stærstu félaganna var 1,2%.



Mynd 4. Meðalávöxtun verðbréfasafna sem raðað er eftir stærð fyrirtækja.

Í ljós kemur að munurinn á ávöxtun þessara tveggja safna er of líttil til þess að vera tölfraðilega marktækur. Kerfisbundin áhætta safnsins (β -gildi safnsins) sem sett var saman úr litlu fyrirtækjunum var minni en kerfisbundin áhætta safnsins með stóru félögunum. Þetta sést á því að s_L -stuðullinn er neikvæður en β -stuðull verðbréfasafnsins sem samanstóð af litlu félögunum er ($\beta_p + s_L$) og er því 0,76. Prátt fyrir minni kerfisbundna áhættu og meiri ávöxtun safns 1 en 4 er samt ekki marktækur munur á ávöxtun safnanna að teknu tilliti til áhættu. Þetta sést á stuðlinum d_L en hann sýnir muninn á Jensens α -stuðli safns 1 og 4. d_L -stuðullinn er 0,0089 en hann er ekki marktækur við 5% marktektarkröfu. Því er ekki marktækur munur á ávöxtun safnanna að teknu tilliti til áhættu.

Tafla 2. Helstu niðurstöður aðhvarfsgreiningar á verðbréfasöfnum sem raðað er eftir stærð viðkomandi fyrirtækja.

	α_p	d_L	β_p	s_L	R^2
Stuðull	0,0015	0,0089	0,97	-0,21	0,56
t-gildi	(0,45)	(1,93)	(*14,03)	(*-2,13)	
p-gildi	0,65	0,054	<0,0001	0,034	
Durbin Watson	1,90				

* Marktækt miðað við 5% marktektarkröfu.

Þessar niðurstöður eru nokkurn veginn í samræmi við rannsóknir á erlendum hlutabréfamörkuðum. Rannsóknin gefur til kynna að ávöxtun stærri fyrirtækja á íslenskum hlutabréfamarkaði hafi verið að meðaltali minni en ávöxtun smærri fyrirtækja það tímabil sem rannsóknin nær yfir. Hins vegar er ekki tölfraðilega marktækur munur á ávöxtun að teknu tilliti til mismunar á kerfisbundinni áhættu.

6. Samband ávöxtunar og arðgreiðslna

6.1 Fyrri rannsóknir


Pegar samband arðgreiðslna og ávöxtunar hefur verið tekið til skoðunar í erlendum rannsóknum er arðhlutfallið (e. dividend yield) yfirleitt notað sem er hlutfall arðgreiðslna af markaðsverði. Ef arðhlutfallið er 2% þýðir það að arður eiganda hlutafjár er 2% á ári af markaðsvirði fyrirtækisins.

Margar rannsóknir hafa verið gerðar á sambandi arðgreiðslna og ávöxtunar á erlendum hlutabréfamörkuðum. Yfirleitt hefur niðurstaðan verið sú að hlutabréf með hátt arðhlutfall hafa gefið betri ávöxtun en önnur. Í rannsókn á bandaríksa hlutabréfamarkaðinum frá ársbyrjun 1927 til árloka 1976 rannsökuðu Elton o.fl. (1983) samband ávöxtunar og arðgreiðslna og fundu marktækt samband. Ef miðað var við félög sem á annað borð greiddu arð var ávöxtun hlutabréfa þeirra þeim mun hærri eftir því sem arðhlutfallið var hærra. Levis (1989) komst einnig að því í rannsókn sem hann gerði á breska hlutabréfamarkaðinum, og náði yfir tímabilið apríl 1961 til mars 1985, að hlutabréf með hátt arðhlutfall skiluðu bestri ávöxtun að teknu tilliti til áhættu. Raunar skoðaði Levis margar breytur og samhengi þeirra við ávöxtun. Hann komst að því að mest tengsl voru við arðhlutfallið af öllum breytum sem hann skoðaði.

Þau rök sem helst hafa verið gefin fyrir góðri ávöxtun hlutabréfa með hátt arðhlutfall eru að fjárfestar vilji að fyrirtæki greiði mikinn arð ef það er ekki talið búa yfir miklum vaxtarmöguleikum. Því eru fyrirtæki með lágt arðhlutfall oft vaxtarfyrirtæki. Reynslan hefur sýnt að fjárfestar ofmeta vaxtarmöguleika vaxtarfyrirtækja og þess vegna er ávöxtun þeirra oft slök og ávöxtun fyrirtækja með miklar arðgreiðslur oft betri en annarra.

6.2 Rannsóknaraðferðir og niðurstöður

Notuð var sama aðferðafræði og hér er lýst að ofan við gerð verðbréfasafna og tölfræðipróf. Á mynd 5 sést meðalávöxtun verðbréfasafnanna. Ávöxtun safns 1 var mest eða 1,9% á mánuði að meðaltali. Í safni 1 eru hlutabréf sem hafa lægst arðhlutfall en yfirleitt samanstóð þetta safn eingöngu af hlutabréfum sem ekki var greiddur arður af. Athyglisvert er að safn 4 hafði næstmesta ávöxtun eða 1,8% að meðaltali á mánuði. Í safni 4 eru hlutabréf með hæst arðhlutfall. Safn 3 er með minnsta ávöxtun og verður því að álykta af mynd 5 að ekkert samband hafi verið á milli ávöxtunar og arðgreiðslna á íslenskum hlutabréfamarkaði á tímabilinu sem rannsakað var.



Mynd 5. Meðalávöxtun verðbréfasafna sem raðað er eftir arðhlutfalli.

Sú niðurstaða er einnig studd með formlegri tölfræðigreiningu. Í töflu 3 eru helstu niðurstöður aðhvarfsgreiningarinnar sýndar. Þar kemur í ljós að nær enginn munur er á milli Jensens α -stuðla safns 1 og safns 4 og því er d_L -stuðullinn ekki marktækur. Því má einnig fullyrða út frá formlegri tölfræðigreiningu að ekkert samband hafi verið milli ávöxtunar og arðgreiðslna á íslenskum hlutabréfamarkaði á því tímabili sem rannsóknin náði yfir.

Tafla 3. Helstu niðurstöður aðhvarfsgreiningar á verðbréfasöfnum sem raðað er eftir arðhlutfalli.

	α_p	d_L	β_p	s_L	R^2
Stuðull	0,0083	0,0015	0,79	0,14	0,46
t-gildi	(2,09)	(0,26)	(*9,37)	(1,19)	
p-gildi	0,037	0,79	<0,0001	0,23	
Durbin Watson	1,84				
* Marktækt miðað við 5% marktektarkröfu.					

7. Samband ávöxtunar og q-hlutfalls

7.1 Fyrri rannsóknir


Kennitalan q-hlutfall er einfaldlega hlutfall markaðsvirðis fyrirtækisins á móti bókfærðu eigin fé. Til að mynda þýðir q-hlutfallið 3 að markaðsverð hlutafjár félagsins er þrefalt hærra en eigið fé þess. Margar rannsóknir hafa verið gerðar á sambandi ávöxtunar hlutabréfa og q-hlutfalls þeirra. Almennt hafa þær sýnt að hlutabréf fyrirtækja með lágt q-hlutfall hafa gefið betri ávöxtun en hlutabréf fyrirtækja með hátt q-hlutfall.

Í viðamikilli rannsókn Haugens og Bakers (1996) voru skoðuð gögn frá Bandaríkjunum, Þýskalandi, Frakklandi, Bretlandi og Japan frá 1985 til 1993. Þeir komust að því að hlutabréf í fyrirtækjum með lágt q-hlutfall skiluðu hærri ávöxtun en meðaltal markaðsins í öllum löndunum sem rannsóknin náði yfir. Þessi munur var tölfræðilega marktækur að teknu tilliti til mismunandi áhættu. Í nýlegri rannsókn (Chan og Lakonishok, 2004) var bandaríski hlutabréfamarkaðurinn rannsakaður frá 1979 til 2002. Niðurstöður Chans og Lakonishoks voru að hlutabréf fyrirtækja með lágt q-hlutfall skiluðu mun betri ávöxtun að meðaltali en annarra fyrirtækja. Auk þess voru þau áhættuminnri en hlutabréf fyrirtækja með hátt q-hlutfall en áhættu mældu þeir með staðalfráviki ávöxtunar.

Ástæða fyrir góðri ávöxtun fyrirtækja með lágt q-hlutfall hefur einkum verið rakin til mismunandi q-hlutfalls atvinnugreina. Atvinnugreinar með lágt q-hlutfall eins og t.d. bankar og fjármálfyrirtæki hafa oft skilað betri ávöxtun en önnur fyrirtæki. Einnig hafa vaxtarfyrirtæki yfirleitt hátt q-hlutfall en eins og áður hefur komið fram hefur ávöxtun þeirra yfirleitt verið slök.

7.2 Rannsókn og niðurstöður

Búin voru til fjögur verðbréfasöfn í hverjum mánuði. Í safni 1 voru þau hlutabréf í úrtakinu sem höfðu lægsta q-hlutfall í byrjun mánaðar, síðan koll af kolli, og í safni 4 eru þau hlutabréf sem höfðu hæst q-hlutfall. Eins og sést á mynd 6 mældist meðalávöxtun mest í því hlutabréfasafni er hafði lægst q-hlutfall eða um 1,85% að meðaltali á mánuði. Ávöxtun safna 3 og 4 var svipuð eða um 1,3% að meðaltali á mánuði. Því var ávöxtun hlutabréfa í fyrirtækjum með lágt q-hlutfall nokkru hærri en annarra bréfa.



Mynd 6. Meðalávöxtun verðbréfasafna sem raðað er eftir q-hlutfalli.

Hins vegar var ekki hægt að sýna fram á tölfraðilega marktækan mun á ávöxtun verðbréfasafnanna miðað við q-hlutfall að teknu tilliti til mismunar á kerfisbundinni áhættu. Notuð var aðhvarfsjafna (j. 2) til að mæla hvort marktækur munur væri á ávöxtun safna 1 og 4 að teknu tilliti til kerfislægrar áhættu. Í töflu 4 eru sýndar niðurstöður aðhvarfsgreiningarinnar. Þar kemur fram að ekki var marktækur munur á Jensens α -stuðlum verðbréfsafns 1 og 4 enda er d_L -stuðullinn ekki marktækur. Því var ekki marktækur munur á ávöxtun safna 1 og 4 að teknu tilliti til mismunandi kerfisbundinnar áhættu safnanna (β -stuðuls safnanna). Athyglisvert er að marktækur munur er á kerfisbundinni áhættu safns 1 og safns 4. Það sést á s_L -stuðlinum en hann mælir mun á β -stuðlum safns 1 og 4. s_L -stuðullinn er marktækur og var því kerfisbundin áhætta marktækt minni í safni 1 en safni 4.

Tafla 4. Helstu niðurstöður aðhvarfsgreiningar á verðbréfasöfnum sem raðað er eftir q-hlutfalli.

	α_p	d_L	β_p	s_L	R^2
Stuðull	0,0029	0,00653	1,04	-0,33	0,47
t-gildi	(0,73)	(1,17)	(*12,22)	(*-2,76)	
p-gildi	0,46	0,245	<0,0001	0,006	
Durbin Watson	2,07				

* Marktækt miðað við 5% marktektarkröfu.

8. Samband ávöxtunar og fyrri frammistöðu

8.1 Fyrri rannsóknir


Ýmsar erlendar rannsóknir hafa bent til þess að ávöxtun hlutabréfa sé að nokkru tengd ávöxtun síðustu missera á undan viðmiðunartíma. Það þýðir að hlutabréf sem hafa gefið góða ávöxtun í fortíðinni séu ekki jafnlíkleg til þess að gefa góða ávöxtun í framtíðinni og þau bréf sem gáfu slæma ávöxtun í fortíðinni. Sú ástæða sem gefin hefur verið fyrir þessu er að viðbrögð fjárfesta við nýjum upplýsingum séu oft yfirdrifin. Því verði viðbrögð markaðsins við nýjum góðum fréttum of mikil, verð hlutabréfa hækki því of mikið en leiðréttist (lækki) svo.

Til að mynda rannsókuðu De Bondt og Thaler (1985) hegðun bandaríksa hlutabréfamarkaðsins frá janúar 1926 til desember 1982. Þeir mynduðu verðbréfasöfn með hlutabréfum sem skilað höfðu mjög góðri ávöxtun og félögum sem skilað höfðu lélegri ávöxtun. Niðurstaða þeirra var að ávöxtun verðbréfasafna sem höfðu skilað góðri sögulegri ávöxtun var mun minni en meðalávöxtun hlutabréfamarkaðsins. Aftur á móti skiliðu verðbréfasöfn sem gerð voru úr félögum sem skilað höfðu lélegri ávöxtun mun betri ávöxtun en markaðurinn að meðaltali. Tölfræðilega marktækur munur var á ávöxtun þessara verðbréfasafna.

Í rannsókn á hlutabréfamörkuðum í Bandaríkjum, Þýskalandi, Frakklandi, Bretlandi og Japan frá 1985 til 1993 komust Haugen og Baker (1996) að svipuðum niðurstöðum. Niðurstöður þeirra voru að sigurvegarar markaðarins, þ.e. hlutabréf félaga sem skilað höfðu meiri ávöxtun en meðaltal markaðsins í mánuðinum á undan viðmiðunartímanum, skiliðu lægri ávöxtun en markaðurinn að meðaltali næsta mánuð á eftir viðmiðunartímanum á öllum þessum mörkuðum. Niðurstöður nýlegrar rannsóknar á hlutabréfamarkaðinum í Malasíu frá janúar 1987 til desember 1999 voru hliðstæðar niðurstöðum rannsókna á öðrum mörkuðum. Hlutabréf sigurvegaranna skiliðu slakri ávöxtun en hlutabréf félaga sem skilað höfðu slakri ávöxtun skiliðu mjög góðri ávöxtun þar á eftir. Þetta átti einkum við um lítil fyrirtæki, en hlutabréf lítila fyrirtækja sem skilað höfðu slakri ávöxtun skiliðu afburðaávöxtun (Lai o.fl., 2003).

8.2 Rannsókn og niðurstöður

Til að kanna þennan þátt var farin sama leið og hér að ofan hefur verið lýst. Búin voru til fjögur verðbréfasöfn í hverjum mánuði. Í safni 1 eru þau hlutabréf í úrtakinu sem skiliðu lökustu ávöxtuninni í síðasta mánuði á undan viðmiðunartímanum, í safni 2 eru hlutabréfin sem skiliðu næstlökustu ávöxtuninni, síðan kemur safn 3 en í safni 4 eru hlutabréfin sem skiliðu bestri ávöxtun.



Mynd 7. Meðalávöxtun verðbréfasafna þar sem hlutabréfum hafði verið raðað eftir fyrri frammistöðu.

Á mynd 7 sést meðalávöxtun safnanna. Eins og sést á myndinni er ávöxtun allra safnanna svipuð eða nálægt 1,5% á mánuði að meðaltali. Út frá þessum niðurstöðum er óhætt að fullyrða að ekkert samband hafi verið á milli frammistöðu (ávöxtunar) íslenskra hlutabréfa í hverjum mánuði og ávöxtunar þeirra næsta mánuð á undan.

Í töflu 5 eru helstu niðurstöður aðhvarfsgreiningar sýndar. Stuðullinn d_L er nálægt því að vera núll og því er enginn munur á Jensens α -stuðli verðbréfasafna 1 og 4. Því er hægt að fullyrða að ekkert marktækt samband hafi verið á milli ávöxtunar íslenskra hlutabréfa og ávöxtunar mánaðarins á undan.

Tafla 5. Helstu niðurstöður aðhvarfsgreiningar á verðbréfasöfnum sem raðað er eftir ávöxtun fyrri mánaðar.

	α_p	d_L	β_p	s_L	R^2
Stuðull	0,0051	-0,00001	0,87	-0,18	0,47
t-gildi	(1,45)	(-0,02)	(*11,56)	(-1,48)	
p-gildi	0,15	0,99	<0,0001	0,14	
Durbin Watson	2,06				

* Marktækt miðað við 5% marktektarkröfu.

Þessar niðurstöður hljóta að vekja spurningar. Íslenski hlutabréfamarkaðurinn virðist ekki sýna sams konar hegðun og margir erlendir hlutabréfamarkaðir. Ef einungis er litið til þessara niðurstaðna virðist íslenski markaðurinn vera skilvirkari en margir stórir hlutabréfamarkaðir.

9. Lokaorð

Í þessari grein hefur verið rakin viðamikil rannsókn á sambandi ýmissa þátta við ávöxtun á íslenskum hlutabréfum frá ársbyrjun 1993 til loka júní 2003. Kannað var hvort samband hefði verið á milli V/H-hlutfalls, q-hlutfalls, fyrri frammistöðu, stærðar fyrirtækja, arðgreiðslna og ávöxtunar íslenskra hlutabréfa frá ársbyrjun 1993 til loka júní 2003. Þessir þættir voru valdir vegna þess að þeir hafa löngum verið í brennidepli við verðmat á hlutabréfamörkuðum. Rannsóknir á erlendum hlutabréfamörkuðum hafa enn fremur sýnt fram á að samband er á milli þeirra og ávöxtunar hlutabréfa.

Helstu niðurstöður eru þær að tölfræðilega marktæk tengsl eru á milli V/H-hlutfalls og ávöxtunar. Mest ávöxtun fékkst með því að velja verðbréfasafn með hlutabréfum í fyrirtækjum með lágt sögulegt V/H-hlutfall. Jensens α -stuðull verðbréfasafnsins með lága V/H-hlutfallinu var hærri en safnsins með háa V/H-hlutfallinu með tölfræðilega marktækum hætti. Ávöxtun smærri fyrirtækja og þeirra er höfðu lágt q-hlutfall var nokkru meiri en stórra fyrirtækja og þeirra er höfðu hátt q-hlutfall en munurinn var hins vegar ekki tölfræðilega marktækur að teknu tilliti til kerfisbundinnar áhættu. Aftur á móti mældist ekkert samband á milli fyrri frammistöðu, sem mæld var eftir ávöxtun í mánuðinum á undan viðmiðunartímanum, og ávöxtun næsta mánaðar á eftir. Enn fremur mældist ekkert samband á milli arðgreiðslna, sem mældar voru eftir arðhlutfalli, og ávöxtunar íslenskra hlutabréfa.

Nú vaknar sú spurning hvor hægt sé að nýta þessar niðurstöður við fjárfestingar. Ljóst er að sú fjárfestingarstefna að kaupa hlutabréf í fyrirtækjum með lágt V/H-hlutfall hefur skilað mun meiri ávöxtun en sú stefna að kaupa hlutabréf í fyrirtækjum með hátt V/H-hlutfall. Meðalávöxtun hlutabréfasafnsins með lægsta V/H-hlutfallið var 2,25% á mánuði en meðalávöxtun úrvalsvísitölunnar var einungis 1,11% á sama tíma. Því er augljóst að fjárfestar gætu með góðum rökum gefið fyrirtækjum með lágt V/H-hlutfall gaum við val á hlutabréfum.

Heimildir

Árbók 2003. Reykjavík: Kauphöll Íslands. www.icex.is.

Basu, S. (1977). *The relationship between earnings, yield, market value and return for NYSE common stocks – further evidence*. Journal of Finance, (32), 663–681.

Campbell, J.Y., Lo, A.W. & MacKinlay, A.C. (1997). *The Econometrics of Financial Markets*. New Jersey: Princeton University Press.

- Chan, K. & Lakonishok, J. (2004). *Value and growth investing: review and update*. *Financial Analysts Journal*, (60), 71–86.
- De Bondt, W. & Thaler, R. (1985). *Does the stock market overreact?* *Journal of Finance*, (40), 793–808.
- Elton, E., Gruber, M. & Rentzler, J. (1983). *A simple examination of the empirical relationship between dividend yields and deviations from the CAPM*. *Journal of Banking and Finance*, (7), 135–146.
- Fama, E. & French, K. (1992). *The cross-section of expected stock returns*. *Journal of Finance*, (47), 427–465.
- Grossman, S. & Stiglitz, J. (1980). *On the impossibility of informationally efficient markets*. *American Economic Review*, (70), 393–408.
- Haugen, R.A. & Baker, N.L. (1996). *Commonality in the determinants of expected stock returns*. *Journal of Financial Economics*, (41), 401–439.
- Jensen, M. (1968). *The performance of mutual funds in the period 1945–1964*. *Journal of Finance*, (23), 389–416.
- Jahnke, G., Klaffke, S.J. & Oppenheimer, H.R. (1987). *Price-earnings ratios and security performance*. *Journal of Portfolio Management*, (14), 39–46.
- Lai, M., Guru, B. & Nor, F. (2003). *Do Malaysian investors overreact?* *Journal of American Academy of Business*, (2), 602–609.
- Levis, M. (1989). *Stock market anomalies: a reassessment based on UK evidence*. *Journal of Banking and Finance*, (13), 675–696.
- Lintner, J. (1965). *The Valuation of Risky Assets and the Selection of Risky Investments in Stock Portfolios and Capital Budgets*. *Review of Economics and Statistics*, (47), 13–37.
- Lofthouse, S. (1994). *Equity investment management – how to select stocks and markets*. New York: John Wiley.
- Markowitz, H. (1959). *Portfolio Selection: Efficient Diversification of Investments*. New York: John Wiley.
- Resenburg, P. & Rousseau, R. (2004). *Time and the payoff to value investing*. *Journal of Asset Management*, (4), 318–325.
- Sharpe, W. (1964). *Capital Asset Prices: A Theory of Market Equilibrium under Conditions of Risk*. *Journal of Finance*, (19), 425–442.